

- D I F É R A N -

*Menm si nou diféran, pandan an ti moman
Gadé lavi épi zyé an ti manmay.
Ou pa ka sipòté ni moun ka viv dot manniè
Konsi sé pou'w tou sel yo krée latè, linivè.*

*Simen grenn lanmou dan tjè-w
An ti dlo tandres ké fèy fléri
Pou sa wè lot-la kon sè-w
Pou lespri-w pé wouvè a lavi*

*An koulè senpleman, an kilti, an kwayans
Pou wou ja ni asé pou fèw ped tout konfians.
Wi mé nou tout vivan, sé lachè épi san
Lespri é santiman mé la diférans bel souvan.*

*Simen lanmitié dan tjè-w
Tibren tolérans ké fèy pousé
Pou sa wè lot-la kon frè-w
Pou ou pé santi lespri-w libéré*

*Wouvè zié-w dousman
Pou nou ansanm an moman.
Nou kay pli éré pou lontan si nou pé...
Enmen nou...
Diféran...*